

DISSERTATIO METAPHYSICA  
DE  
*REPRÆSENTATIONE ORIGI-  
NARIA, PRINCIPIO COGNO-  
SCENDI ULTIMO,*

---

QUAM  
CONS. AMPL. FAC. PHIL. AE.  
PRÆSIDE  
*M. AND. JOH. LAGO,*  
PHIL. THEOR. PROF. ORD.

PRO GRADU  
PUBLICÆ CENSURÆ OFFERT  
*FREDERICUS BERGBOM,*  
STIP. BILM. OSTROB.

IN AUD. MATHEMAT. D. I JUNII MDCCCX.  
H. A. M. S.

---

ABOÆ, TYPIS FRENCKELLIANIS.

# DISSERTATIO METAPHYSICA

301

SCEDI UFTIMO. MARY PRIMUS GOGVO. REPARASTITIUS ORIG.

MUG

W M D V A G N O R H O M E

Digitized by srujanika@gmail.com

THE GRADUATE

## BRITISH AND AMERICAN

# **EXTRADDITION AGREEMENT**

1907-08 : 1111. 9114

www.mnn.ru/tamantam.ru/

卷之三

*Yours, L. H. C. Elwes.*



*Quidquid tibi sum expositus, nec noue  
capto, quia sunt recentia, nec antiqua sperno,  
quia videntur obsoleta.*

BAUMGARTEN,

**P**er principium intelligi cognitionem, quæ aliis basi & fundamento sit notitiis quibusdam, vix est ut moneamus. In serie notiarum, quæ ab illo robur hauriunt & certitudinem, primum sit & summum, neque ab aliquo decretorum, quæ ipsi subordinata sunt, deductum aut deducendum, necesse est: quod si fecus fuerit, non pro principio, sed pro principiato habendum esse, unicuique patet. Cognoscendi itaque principium, quod absolutum & ultimum dici mereatur, ita erit constitutum, ut nullius umquam derivationis, ex qua clarius elucesceret certitudo ejus, indiga sit, nec cuidam enuntiationum, quæ ab ipso pendere debent cunctæ, superstruatur, vel ab illis vim veritatemque suam quodammodo mutuetur: sed in semet ipso unice nixum & fundatum, veritatis lucem in universas spargat cognitionis humanæ partes -- solis instar meridiani, qui sibi subjacentes omnes cœli terræque plagas lumine collustrat haud mutuatatio.

A

Obser-

2

Observare autem atinet, duo in universum esse principiorum genera, quorum alterum, *logicum*, notionibus pro fundamento est generalissimis atque assertionibus vel decretis, e quibus derivantur definitiones, theorematum vel dogmata scientiae cuiuspiam; *constitutivum* alterum, quod in cognitione immediata ejusque originibus & possibilitate versatur (a), nostræque materiem præbebit disquisitioni.-- Sic e.gr. *logicum* geometriæ principium in enuntiationibus hujus scientiæ & notionibus, quibus efficiuntur definitiones ejus, maxime universalibus, cernitur; *constitutivum* vero in syntheseos spatii intuitione, vel repræsentatione originaria, quæ nativam geometriæ indolem totam quantam constituit, neque in uno tantum vel altero ejus decreto conspicitur, sed per totum nosmet manuducens scientiæ ambitum; ut fieri possit quævis ejus constructio, efficit.

Jam vero, si accuratiori rem nobiscum trutina examinare voluerit Lector, nullo, speramus, negotio animadvertiset, absolute ultimum cognoscendi principium in nexu conceptuum, quicunque demum fuerint, nequaquam esse ponendum, quippe quum ratio ipsius hujus syntheseos necessario sit reddenda, & quæstionem, quo jure conjunctæ fuerint notiones,

---

(a) Cfr. Reinhold, *Fichte und Schelling*. v. JAKOB FRIES  
Lpz. 1803 p. 25.

ne maxima quidem propositionis auctoritas averrun-  
care valeat. Sic v. gr. si non defuerint, qui Prin-  
cipium Contradictionis pro unico omnis omnino cogni-  
tionis Principio habuerint constitutivo; neque ex al-  
tera parte nulli fuerunt Philosophi, qui, adeo latam  
esse Princippii hujus vim penitus negantes, ultra  
analyticorum sphæram judiciorum non esse u-  
sum ipsius nisi regulativum, neque validitatem a-  
lliam, quam negativi veritatis criterii, evictum de-  
derint (b). Quid? quod exemplis non careat Hi-  
storia Philosophiae conatum, Principii Contradictio-  
nis vel alii cuidam superstruendi (c), vel pro nulla  
declarandi veritatem (d). Scilicet postulat cognitio  
quævis, ut ex ipsa indole mentis nostræ & natura  
hauriatur explicatio, qua demum ratione & jure  
quonam in numerum nostrarum relata sit repræsen-  
tationum. Unde si contenderint alii, per se esse  
clarum ac patere, quod multiplex & varium, sibi-  
met ipsi contrarium, quocunque, in una conjungi

A 2

consci-

b) Vid. *Prüfung der kantischen Critik der Reinen Vernunft*  
v. JOH. SCHULTZ §. 3. Cfr. *Encyclop. Wörterb. der krit.  
Phil.* v. G. S. A. MELLIN sub Arriec. *Analyt. Urtheil,  
Leibnitz, Synthet. Urtheil, Wolff & Wolffsche Philosophie.*

c) Vid. *Geist der Speculativen Philosophie* v. DIET. TIEDE-  
MANN. Th. VI, p. 156, Cfr. MELLIN Lib. cit. P. III. p. 796.

d) Vid. TENNEMANN Lib. cit. P. II, p. 381. Marb. 1791-97.

46

conscientia, h. e. cogitari, nequeat, vel quod per determinationes sibi mutuo repugnantes nullum omnino repræsentari possit objectum: alii contra pertinaces si regesserint, gratis assumi & temere, donec, quo nitatur fundamento principium, perspicue fuerit declaratum; qua ratione lis componenda, a disceptatore quid afferendum, nisi quod, pensitando, examinando vel explicando ipsum hocce principium nexumque notionum, quæ in ipso conjunguntur, absolutum & universalem, invicta ejus, in oculos incurrens, sanæ cuivis menti semet obtrudat veritas? Hæcce vero eadem ad examen vel explicationem — vel quocumque demum nomine intellectus insinuire malueris actum, ad modum, quo fieri debeat, pro consilio, vel lubitu, a temet ipso definiendum — provocatio, quid aliud arguit, quam in alta mente reposum tibi latere superius quoddam, unde vim veritatemque mutuatur ipsum Principium Contradictionis, apodicticam & indemonstrabilem? Quod idem ex attentiori conceptuum, quos in se continet principium, consideratione & serutinio sit apertum.

Compar est ceterarum etiam, e quibus aliquam fundamenti instar, systematisbus suis substruere, & absolute ultimi titulo principii ornare solet diversissimarum in publico Philosophico sectarum unaquæque,

que, entinclusionum ratio (e). In eo enim conspi-  
rant amice, opposita ceteroquin, quæ in horum  
decretorum aliquo acquiescunt ingenia, quod ubi ad  
arma contra aliter sentientes accurterint, eandem  
universa urgeant semitam, responsisque suis & re-  
futationibus ultimum cognoscendi principium clam  
intiment verum. Ejusmodi nempe eorum ex di-  
ctatione, est fundamentalium, e quibus manare de-  
beant ceteræ, assertionum ratio, ut ubi animo re-  
præsentatæ fuerint, absolute certorum ilico naturam  
prodant decretorum. Quod vero si ad ultimum  
cognitionis principium constituendum sufficerit, in  
nihilo verti videtur disquisitio omnis de principio  
cognoscendi unico & ultimo, atque miserabiliter  
ēmori spes, ut ad scientiæ dignitatem systematicæ  
evehatur Philosophia, saltim fore olim, si jam non  
factum sit: quippe quum multa certe nobis sint  
principia indemonstrabilia, paris pretii, ponderis  
ejusdem, de quibus itaque nullum alteri prævalere,  
aut pro ultimo habendum esse principio, jure o-

mnino

---

Easdem deducere & vel enumerare hoc loto superfedenes,  
Lectores ad librum delegamus: *Vergleichende Geschich-  
te der Systeme der Philosophie* - v. J. M. DEGERANDO  
uebes. mit. Ann. v. W. G. TENNEMANN Vol. II. p. 278  
- 470 Cfr. Lib. JAC. SIGM. BECK Einzig möglicher Stand-  
punkt aus welchem die Critische Philosophie beurtheilt wer-  
den muss, p. 136. Riga 1796.

mnino statui posse videtur. Ejusmodi e. gr. axiomata esse geometrica manifesto deprehenduntur in universum omnia. Quum nempe statuit Mathematicus: spatium in tres extensem esse dimensiones, duas lineas rectas spatium non comprehendere &c., nihil certe a nobis requirit, nisi ut spatiū nobismet ipsis formemus repræsentationem primitivam, ex qua sola indemonstrabilem elucescere veritatem asserti, unice securus decernit. Quo autem, quæso, jure Principio Contradictionis palmam præ his tribuas?

An vero forsitan alio dignoscatur criterio quodam veritas cognitionis Philosophicæ, paucis, age, jam despiciamus. Quid itaque est Philosophari? Circa definitionem hic jam non litigamus. Si enim ponatur vel in actu intelligentiæ qui aut vera a falsis, distinguere conatur, aut absolutum a fortuito vel notitias e suis derivare principiis (f); attamen remanent quæstiones soluendæ, quid originem vero illi & absoluto tribuat atque fundamentum: principiis ipsis quid pro firmamento sit, quid ratam habere distinctionem ipsam, vel derivationem tibi imperet?

---

f) Vid. C. L. REINHOLDS *Anleitung zur Kennit. und Beurtheil. der Philosophie in &c.* Wien 1805 p. 11. *Die Philosophie und der Philosoph aus d. vahr. Gesichtsp. v. JOH. CHR. FR. DIETZ* Leipzig, 1802 p. 6 sqq. BECK Lit. cit. p. 131 sqq. & MELLIN Lib. cit. sub art. PHILOSOPHIE.

5 ) 7 ( 2

peret? Repono: nihil aliud ac repræsentatio eadem originaria, una & sola, examinis ulterioris nullius capax. Philosophiam scilicet sibi metipsi unusquisque instillabit, quippe quæ objectum memoriæ neutiquam sit habenda. Vir igitur, qui systema aliquod ita habeat in promptu, ut formulas loquendi ejus terminosque omnes calleat, telam ratiociniorum araneosam atque demonstrationum, quibus nitatur, mirum quantum perdoctus, nihilque præterea, eruditus quidem titulum meretur, Philosophi autem laudibus non magis est ornandus, quam qui propositiones Geometriæ, calculique inferioris & sublimioris plurimastenaci conservet memoria, unde oriuntur, qua nitantur basi inconclusa, quorsum universæ tendant, incurius, mathematici. **Enimvero** poscit Philosophia, si alia umquam scientia ulla, actum mentis liberum & spontaneum, eoque efficitur: vincula auctoritatum spernens omnia, originario ut repræsentetur, postulat. Quæ cui defunt, deficit pariter ingenium philosophicum, quod nequicquam & frustra in servili mysticarum, quas aliunde didicerimus, derivationum imitatione quæritur, sed in earandem vel suamet vi inventione, vel ab alio inventarum apperceptione & animadversione ingenua, ponendum est. Ubi nempe systema aliquod philosophicum amplexi fuerimus, vel dijudicandum nobis sumserimus, omnino requiritur, ut cogitandi rationem viri totam quantum rememur, atque in seriem ratiociniorum ita penetremus intime,

intime, ut ipsum, e quo profectus fuerit, punctum, vel principia, quibus reliqua nascantur, ad originariæ repræsentationis nostræ trutinam referre connitamus; si non umbram pro Junone captare, hypothesumque & opinionum vanarum ineptis fallacibusque mentem impedire velimus præstigiis. Sic, ut exemplo utamur, qui e Philosophia Transcendentali didicerit, e categoriis manare omnem experientiæ possibilitatem, hancque solam esse conditionem, sub qua ad objecta applicari jure possint categoriæ; in hoc vero semisomnus & iners subsistens, categorias hasce pro meritis objectorum prædicatis habuerit, ipsas in repræsentatione originaria universas contineri, oblitus, vix a semet ipso, ab aliis ne vix quidem intelligi poterit unquam.

Ex his jam allatis quum appareat forsitan per omniem omnino, quaquaversum semet extendet, cognitionis humanae campum, vel usum intelligentiæ pro fundamento esse ~~re~~ repræsentare originarium, unico & ultimo, in quo omnium quascunque mente formare possumus, notionum nascitur sensus & significatio, ad rem nobis videtur convenientissimum, ipsum huncce repræsentandi actum primitivum, in Philosophia ultimum constituere principium. Caveat vero Lector putet, nobis heic negotii aliquid esse cum analysi conceptum quadam. Hoc loco definiendum nobis

9

nobis prorsus non sumimus vel exponendum: quid sit *objectum*, quid *originarium*, *repræsentatio* quid sit & significet, quippe quum hæc omnia repræsentationes sint derivativæ, notiones, vel conceptus, sensu, si *repræsentatio*, de qua nos differimus non præcesserit, penitus vacui. Criterio repræsentationem originariam nulli subjicere possumus, quia omnibus criterio est repræsentationibus aliis, pariter atque Mathematicus non triangulis, circulis, vel cubis derivat spatiæ intuitionem, quum sine hac constructio figuræ nulla sit. Exemplum sequimur Geometræ, qui ubi ad scientiam suam pertractandam progressus fuerit, de objecto suo, spatio, nihil prædicat; sed omni prætermissa disquisitione, a priori ne sit, an a posteriori, conceptusne an repræsentatio immediata, utrum pro ordine rerum coëxistentium habendum sit spatiū, an pro forma rerum externarum, a discipulo postulat tantum, ut sponte & Marte suo spatiū sibi repræsentet. Similiter & nos, quid sit repræsentatio originaria explicare & per notas quasdam logicas determinare non conamur, quippe quum ejusmodi explicatio ipsum ponat explicandum. Postulamus tantum ut a meris conceptibus paullisper absistat penitus Lector, & ad ipsum illud, quod omni unitati conscientiæ analyticæ in notiōnibus pro fundamento est & principio, unitatem conscientiæ objective syntheticam atque mentis originarie representandi functionem unice attendat.

ppi dī. B. q. dī. Atque

Atque adeo principium cognoscendi ultimum iō postulato ponendum esse censemus? Certissime. Aliam nullam ei concedere possumus; formam ae quam admittat practicum quod synthesin continet, per quam in genere objectum nobis datur & conceptus generatur, decretum, analyseos neque capax ullius neque demonstrationis indigum, quoniam nempe conjunctio, ad objectum producendum requisita & postulata, non diversa est ab illa, quæ in ipsa representatione objecti formanda jam occurrit, synthesis. Nihil enuntiat postulatum nostrum; attamen omnibus quæ fieri umquam possint, enuntiationibus fundamento est primo. Versatur in *autem pati*, ut primitivum facultatis cognoscendi actum, de quo loquimur, notionum omnium matrem secundam, sibimet ipsis representet quisque, eundemque representationum derivatarum omnium & forsitan etiam nostrum, agnoscat interpretem.

Quid vero de notionibus, quas titulo *a priori* denotare solet Philosophia Critica statuendum? Numne criminis, magno Criticismi auctori a nonnullis intentato (g), ejusque affectus quosdam tangenti (h), notiones hasce, quas inter categoriæ, nil esse

g) Lib. DIETZ cit. p. 140 sqq.

h) Vid. BECK Lib. cit. p. 126, 176 sqq.

11

esse nisi formas fixas, otiosas, mortuas, calcusum  
adjiciemus, statuentes neque objectivam unitatem  
in conceptibus a determinatione, per quam nobis  
eandem repræsentamus, neque ergo categorias a re  
facti quadam nullo pendere modo? Quod si as-  
sumserimus vacua erit & inanis notionum in  
*priori* & *a posteriori* distinctio: immo, quo demum  
ernque modo rem explicare conatus fueris, evitare  
frustra studebis, categorias pro innatis habere notio-  
nibus, qui quidem ipsas considerandi modus tenebris,  
unde exitus nullus pateat, nosmet obvolutos, in  
qualitate quadam occulta refugium quærere unicum  
coget. Ast e dubiis hisce & difficultatibus nosmèt  
exitreat KANT, expresse docens: Facultatem co-  
gnoscendi formas rerum in spatio & tempore æque  
ac unitatem multiplicis syntheticam in conceptibus  
sponte ex semet ipso producere (i). Quod vero Ca-  
tegoriæ conceptuum Intellectus nomine appellantur  
purorum vel à priori, ejus nulla alia est ratio;  
quam quod fundamentum unitatis illarum analyticæ  
ipsa representatione originaria, quæ usum intelli-  
gentiæ omnem constituit, efficiatur; quæ vicissim  
empiricarum unitas notionum firmamento nititur  
originario syntheticæ, per representationem categoriæ  
origi-

B 2

i.) Ueber eine Entdeckung Königsb. 1790 p. 68 sq.

originariam ortæ (k). Re facti ergo nítitur omnis Philosophia, & actione, quæ nulla est alia, quam ipsissima illa ex qua sensum & significationem omnes quidem conceptus accipiunt, repræsentatio originaria, quæ in ipsis categoriis consistit. Sic e. gr. spatum repræsentatio est originaria, vel, ut loquitur Critica Rationis puræ, intuitio: scilicet synthesis homogenei originaria, quæ ipsum spatum producit. Cogitamus spatum ut multiplex nexus conjunctum. Sed ubi positus est hicce nexus? In nullo certe objecto extra nos. Nosmet ipsi originarie conjungimus & componimus, h. e. spatum producimus. Pariter etiam Categoría Realitatis non in conceptu ponenda est; sed probe tenendum, repræsentandi modum eundem esse originarium, scil. sensationum synthesis. Ab hacce synthesis primitiva diversus est alius originarius pariter, atque cum ipfa illa (synthesi) intimo, (in repræsentatione originaria) conjunctus vinculo, actus, Schematismi Categoriarum Transcendentalis nomine in voluminibus Philosophiae Criticæ appellatus, circa quem similiter cavendum, ut ne pro mero conceptu habeatur, quoniam in primitiva fitus est temporis determinandi actione, qua sit, ut objectum in genere agnoscamus (l).

Contra

k) V. BECK I. c. p. 178 sq.

l) Facultas synthesis originariæ Intelligentiæ, Schematismi autem Facultatis judicandi, Transcendentalis ambæ nomina

Contra hæc pugnare primo intuitu videtur Criticismi de intellectu nostro non *intuitivo* sed *dissertativo* doctrinæ, quæ vero pugna evahescet, speramus, ubi supra conceptus ad repræsentationem, quam urget postulatum nostrum, originariam, mente semet ipsum eo evexerit Lector. Scilicet nil aliud statuit, nisi magnopere fallamur, decretum, quam ita constitutam esse intelligentiam nostram, ut objectum quodvis per notiones modo, adeoque in *analytica* (m) tantum, neque unquam *originario synthetica* (n) sibi repræsentare queat conscientiæ unitate. Ubi nempe objectum quoddam nobis repræsentamus, conceptus rei adsit necesse est, atque punctum respectus determinationibus nonnullis figamus eoque modo objectum cum notis conjungamus quibusdam. Ab hac vero per notiones repræsentatione diversa est

In scriptis KANTII gerunt, in Logica generali quoad significationem determinata. Quæ vero scientia, cum notiones ut res facti considerat ad notarum modo conjunctionem, i. e. derivativam, non vero ad originariam & geneticam conceptuum synthesin, unde tamen pendet derivativa, attendit. Pari modo functio facultatis judicandi, *subsumptio*, vel agnitiō derivativa, illi, quam supra nominavimus originariæ, subordinata est. V. BECK l. c. p. 142 sq.

m) V. BECK Lib. cit. p. 183 sq.

n) V. Lib. cit. p. 144 sqq. Cfr. p. 452 sqq.

est omnino originaria, sicut conceptus e. gr. trianguli rectilinei plane aliud est ac, qui notioni pro fundamento est, illud per synthesis originarie producendi actus. Præprimis namque notandum est, nosmet per repræsentationem originariam significare prorsus non velle objecti cujusdam repræsentationem, quippe quum in nulla proprie versatur re objecta: nam quæ ex illa oritur unitas originario-synthetica omnem conceptus significationem constituens in analyticam transeat necesse esset priusquam objecti, per notas repræsentandi, oriatur repræsentatio.

Insimil vero diffitendum non est, hancce eandem intellectus nostri constitutionem & naturam quæ res objectas omnes per notiones sibi repræsentare tenetur, nebulas ipsi primo conceptuum principio offundere subtiles, quas nil nisi facultatis cognoscendi analysis scrupulose instituta dispellere valet. Haud aliunde petenda est ratio, cur nos in ostendenda repræsentatione originaria, notionum usi fuerimus atque utamur subsidio, a nobis non evitando; quod si quem sefellerit, ut opinetur, nobis hic loci rei aliquid esse cum propositione quadam logica, pro principio conclusionis cujusdam, vel norma derivatarum repræsentationum quodammodo conjungendarum, a nobis allata, in abscondito prorsus ipsi latet verus postulati nostri sensus. Quapro-

prōpter idem idem quæsumus, a conceptibus o-  
mnino abstrahat Lector, singatque sibi per παλιγ-  
yεται τινα quandam animum in ipso primitivo facili-  
tatis cognoscendi actu unice occupari.

Quorsum tendamus, quo facilis appareat, ad  
enuntiatum scientiæ evidentissimæ, Geometriæ, quod-  
dam cogitata nostra, age componamus, atque axio-  
mate, exempli instar, repræsentationem originariam  
non probaturi quidem, sed qua illam ratione animo  
percipiendam velimus, quadanterus illustraturi, uta-  
musr. Statuerit itaque Mathematici, ab uno pnncto  
ad alterum *unam tantummodo* duci posse lineam rectam,  
ex quo consequitur, duas lineas rectas spatium  
non comprehendere. Quæri jam possit, quo nitatur  
fundamento assertionum harumce indemonstrabilium  
certitudo apodictica? Respondet Geometra unus-  
quisque, adstipulatur Philosophus, ex analysi conce-  
ptus lineæ rectæ & punctorum duorum elici eandem  
numquam posse, namque notio puncti, tamquam  
limitis lineæ, omnino non determinat, utrum puncta  
duo limites sint unius tantum lineæ, an vero pluri-  
um: atque e conceptu lineæ rectæ nil aliud hauritur,  
quam eatenus esse partes ejus homogeneas, ut ver-  
sus eandem plagam, vel directionem semet exten-  
dant omnes, e quo autem non cernitur, plagam  
hancce huic soli, nec forsan aliis etiam lineis rectis  
competere; quippe quum adeo lata sit notio directio-  
nis,

nis, ut rectæ omnes, quibus quidem puncta nulla sunt communia, sed quæ parallelæ tantum sunt, lineæ, ejusdem esse directionis dicantur. Hæcce vero Geometram nihil movent ratiocinia, quin potius in sua procedendi methodo geometrica certitudinem invenit. Quæ vero methodus nulla est alia, quam ipsa eadem, quam loquimur, repræsentatio originaria, spatii nempe synthesis. Hujus opere lineam producit punctis non nisi duobus terminatam, partibusque suis paucioribus vel pluribus (si ad unitatem scilicet determinatam referantur), at omnibus tamen ad unam, a nulla alia occupatam linea, plagam necessario directam. Eadem repræsentatio originaria decernit, duas lineas rectas, si non coinciderint, angulum formare rectilineum, ex quo rursus repræsentationem deducit, rem objectam hancce, figuram, vel spatum terminis inclusum, esse nequire. Quando autem crura anguli vel a semet invicem migrando, vel proprius propiusque ad se invicem admovendo, angulum per inumeros vel auget Geometra vel diminuit gradus, donec evanescat, ipsam primitivam exercet repræsentandi facultatem, totamque producit objectorum sphærām, ex qua originariæ, plepum complectente ambitum, repræsentatione, derivativam deducit, notionem communem, angulos in universum omnes hosce spatia non esse, limitibus undequaque finita. In genere observatu est dignum, quod unaquæque geometricarum repræsentatio derivativa ad origi-

originariam ultimo referatur. Idque discriminis axio-  
ma intercedit geometricum & theorema, quod in  
repræsentatione originaria, vel intuitione fundata im-  
mediate sit, quæ axiome continetur, rei objectæ  
repræsentatio, quæ, vicissim, in Theoremate enuntia-  
ta, ex una vel pluribus pendet derivativis repræ-  
sentationibus, principio immediate nixis originaria,  
quam indigitavimus, repræsentatione. Cujus veri-  
tatem asserti facile perspicit, quicumque theorema  
aliquod geometricum ejusque demonstrandi modum  
sibi sumserit examinandum, animadverlurus simul,  
decretis quibusdam philosophicis, (v. gr. non notio-  
nem, sed intuitum non ab experientia haustum,  
sed purum & a priori esse spatium) pro firmamen-  
to non egere geometriam.

Repræsentationes, quæ ab originaria deducun-  
tur, derivativæ sunt. Hæ, quatenus sphærām obje-  
ctorum complectuntur, tamquam principia novarum  
derivationum adhiberi possunt. Est vero hæcce de-  
rivativa vel discursiva subordinata originariæ repræ-  
sentationi, ad quam necessario referenda est deriva-  
tiva quævis repræsentatio, de qua dici jure possit,  
quod objectum habeat.

In eo Transcendentalis cardo vertitur Philo-  
sophiæ, ut monstret rerum, quales in se sunt, nosmet  
nullam habere cognitionem, sed tantum quales nobis

apparent: phænomena ergo sola esse cognitionis nostræ objecta, quæ cum noueninis non sunt confundenda. Cavendum itaque nobis esse docet, ut ne multiplex & varium ejusque nexum extra facultatem cognoscendi queramus, quo rem considerando modo pares futuri sumus ludionibus metaphysico-logicis, qui lusui cum meritis notionibus incepto campum sine limite ullo aperientes, quæstionum atque responsorum sensu carentium voragini semet immergunt immissæ: speciem venditantum philosophicam, revera autem interitum genuinæ omnis minitantum Philosophiæ. Eandem habet significationem postulatum nostrum, nisi magnopere fallamur, sensum constitutus conceptuum, atque ut a nobis intelligi queant omnes efficiens. Nihil quidem exinde manat aliud, quam nexus omnem in actione mentis originaria esse fundatum, a quo est consequens, errare nosmet, ubicumque hancce in rebus ipsis ponamus synthesis: quæ opinio atque rerum οὐτως οὐτων temerarie ostentata cognitio maxime in causa fuit errationum, quibus vexatam vidimus Philosophiam Theoreticam, multiplicium. Si nempe statuamus, spatium e. gr. aliquid esse, e synthesis originaria nullo pendens modo, nescimus, mehercule, quid demum nostram spatii repræsentationem cum ipso objecto, vel potius spectro, conjungat, quippe quum omnia, quibus niti queat cognitio, ejusmodi rem considerandi modo, penitus summoveantur fundamenta.

Circa  
2000

Circa Realitatis Categoriam similiter erroris nebulas inscii nobismet ipsis offundimus, e quibus frustra quæritur exitus, ubicumque hanc pro mero habemus objecti conceptu categoriam, neque attenderimus, eandem reliquaque categorias nil esse nisi modos repræsentandi originarios. Omnes vero hæ mox dissipantur tenebræ, ubi categorias tamquam primitivam mentis actionem, & cacumen usus intelligentiæ summum nobis repræsentaverimus, & probe fuerimus memores, quod omnis, quæ sensu & significatione non careat, repræsentatio ad primitivam ultimo referenda sit: quæ ergo repræsentatio originaria cum omnem absolute constituat cognitionem, pro ejusdem non potest non haberi principio ultimo.

---

In eo præcipiuus vertitur opusculi hujus finis, ut tuam, Lector, ad ipsum repræsentandi actum originarium flectat attentionem. Restaret ulterior ejusdem in Categoriis instituenda analysis, quam hoc loco e longinquò significasse tantum, & vel ad aliam rejicere scriptionem, vel peritiori deferre, variæ nos jam non tam svadent, quam cogunt rationes. Hæc interim excipias, censor, si non le-

nis,

nis, tamen æquus, nævorum, quos genuit non modo abstrusi difficultas argumenti atque ad notiones & ratiociniorum nexus hodiernos bene exprimendos, latinæ insufficientia linguae, sed, quæ primo forsan nominanda fuisset loco, jurenilium etiam imbecillitas virium nostrarum.

